



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička, br. 80; tel: 00387 33 586 413, fax: 586 418

Broj:03/2-38-1445/15
Vogošća 11.08.2015. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik Općine Vogošća, dana 11.08.2015. godine donio je:

ODLUKU

**O IZBORU NAJPOVOLJNIJEG PONUĐAČA ZA PRIJEVOZ UČENIKA OSNOVNIH ŠKOLA
NA LINIJAMA: KOBILJA GLAVA - ORAHOV BRIJEG; HOTONJ - ORAHOV BRIJEG;
UGORSKO - VOGOŠĆA I KRIVOGLAVCI - VOGOŠĆA ZA ŠKOLSKU 2015./2016. GODINU**

LOT 1.

PONUĐA: Ponuđača „CENTROTRANS-EUROLINES“ d.d. Sarajevo, ulica Kurta Schorka broj 14, Sarajevo, koga zastupa generalni direktor Safudin Čengić (u nastavku Prevozilac), odabrana je sa najnižom cijenom.

Prijevoz učenika osnovnih škola na relaciji Orahov Brijeg - OŠ "Izet Šabić" Hotonj, ima 89 učenika i saobraćalo bi se 8 (osam) puta dnevno, u ukupnoj dužini 2.200 metara. Ulazak i početak vožnje kao i završetak relacije bi bio sa glavne ceste na Orahovom Brijegu, a međustanice kod trafostanice, džamije na Orahovom Brijegu i raskrsnici za kuće boračke populacije a krajnja/početna stanica kod JU OŠ "Izet Šabić" Hotonj.

Ukupna dnevna cijena ponude prijevoza učenika od i do Orahov Brijeg - OŠ "Izet Šabić" Hotonj u školskoj 2015./2016. godini iznosi 207,09 KM sa uračunatim PDV-om.

LOT 2.

PONUĐA: Ponuđača „CENTROTRANS-EUROLINES“ d.d. Sarajevo, ulica Kurta Schorka broj 14, Sarajevo, koga zastupa generalni direktor Safudin Čengić (u nastavku Prevozilac), odabrana je sa najnižom cijenom.

Prijevoz učenika osnovnih škola na relaciji Orahov Brijeg - OŠ "Zajko Delić" Kobilja Glava, ima 28 učenika i saobraćalo bi se 5 (pet) puta dnevno, u ukupnoj dužini 2.200 metara. Krajnja/početna stanica kod džamije na Orahovom Brijegu, a krajnja/početna stanica kod JU OŠ "Zajko Delić", a međustanice su u Brkanićima i Semićima na raskrsnici prema Poljinama.

Ukupna dnevna cijena ponude prijevoza učenika od i do Orahov Brijeg - OŠ "Zajko Delić" Kobilja Glava u školskoj 2015./2016. godini iznosi 208,26 KM sa uračunatim PDV-om.

LOT 3.

PONUĐA: Ponuđača "VILDAN TOURS" d.o.o. Vogošća, ulica Donji Hotonj broj 18., Vogošća, koga zastupa direktorica Vildana Šiljak (u nastavku Prevozilac) odabrana je sa najnižom cijenom.

Prijevoz učenika osnovnih škola na relaciji Ugorsko - JU OŠ "Zahid Baručija" Vogošća, ima 87 učenika i saobraćalo bi se 7 (sedam) puta dnevno u ukupnoj dužini 3.800 metara. Krajnja/početna stanica kod spomen obilježja u Ugorskom (Šabanova kuća), krajnja/početna stanica kod JU OŠ "Zahid Baručija" Vogošća, a međustanice na raskrsnici kod kuće Hasana Feriza, kod džamije u Ugorskom i kod novog objekta "MIMS".

Ukupna dnevna cijena ponude prijevoza učenika od i do Ugorsko - OŠ "Zahid Baručija" Vogošća u školskoj 2015./2016. godini iznosi 209,43 KM sa uračunatim PDV-om.

LOT 4.

PONUĐA: Ponuđača "VILDAN TOURS" d.o.o. Vogošća, ulica Donji Hotonj broj 18., Vogošća, koga zastupa direktorica Vildana Šiljak (u nastavku Prevozilac) odabrana je sa najnižom cijenom.

Prijevoz učenika osnovnih škola na relaciji Krivoglavci - JU OŠ "Mirsad Prnjavorac" Vogošća, ima 45 učenika i saobraćalo bi se 7 (sedam) puta dnevno u ukupnoj dužini 2.800 metara. Krajnja/početna stanica je raskrsnica u Krivoglavcima II, a krajnja/početna stanica je kod JU OŠ "Mirsad Prnjavorac" Vogošća, a međustanice na raskrsnici kod prodavnice (Krivoglavci) i kod objekta "ADI-AD".

Ukupna dnevna cijena ponude prijevoza učenika od i do Krivoglavci - OŠ "Mirsad Prnjavorac" Vogošća u školskoj 2015./2016. godini iznosi 209,43 KM sa uračunatim PDV-om.

OBRAZLOŽENJE

Općinski načelnik Općine Vogošća, dana 03.07.2015. godine uputio je Javni poziv za izbor najpovoljnijeg ponuđača za prijevoz učenika osnovnih škola na linijama: Kobilja Glava - Orahov Brijeg; Hotonj - Orahov Brijeg; Ugorsko - Vogošća i Krivoglavci - Vogošća za školsku 2015/2016. godinu.

Na prvoj sjednici Komisije prilikom otvaranja ponuda dana 31.07.2015. godine, Komisija je utvrdila sljedeće: Prispjele su dvije ponude i to : matični broj: 65-01-0339-11 "CENTROTRANS-EUROLINES" d.d. Sarajevo i matični broj: 65-01-0292-12 "VILDAN TOURS" d.o.o. Vogošća.

Na drugoj sjednici dana 10.08.2015. godine Komisija je razmotrila pojedinačne dokumente od navedenih ponuđača koji su dostavili potrebnu dokumentaciju u cilju provjere formalno-pravnih uvjeta. Obzirom da su ponude ponuđača, blagovremene i uredno kovertirane, Komisija je utvrdila da ponude navedenih ponuđača ispunjavaju formalno-pravne uvjete.

Komisija je izvršila i računsku provjeru dostavljenih ponuda i utvrdila da nema računskih grešaka. Obzirom na navedeno, a u pitanju je otvoreni postupak u kojem je kriterij najniža cijena, Komisija je jednoglasno predložila da se za najpovoljnije ponuđače izaberu ponude po LOT-ovima:

LOT 1: "CENTROTRANS-EUROLINES" d.d. Sarajevo, sa dnevnom cijenom od 207,09 KM.

LOT 2: "CENTROTRANS-EUROLINES" d.d. Sarajevo, sa dnevnom cijenom od 208,26 KM.

LOT 3: "VILDAN TOURS" d.o.o. Vogošća, sa dnevnom cijenom od 209,43 KM.

LOT 4: "VILDAN TOURS" d.o.o. Vogošća, sa dnevnom cijenom od 209,43 KM.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema odluke o izboru najpovoljnijeg ponuđača, podnijeti žalbu Općinskom načelniku Općine Vogošća.

Dostavljeno:

1. "CENTROTRANS-EUROLINES" d.d. Sarajevo
2. "VILDAN TOURS" d.o.o. Vogošća
3. Općinski načelnik,
4. Komisiji za javne nabavke,
5. Arhiva.

Fax: 033 770 853

Fax: 033 463 659

